

●荒年療饑應驗良方

大荒之年。古傳療饑方甚夥。然多未試驗。茲錄曾經試驗數方如左。伏願仁人善士。擇一二用之。足可活無數生命。誠無量功德也。若欲嘗試諸方。必先勿食一二日之久。待極餓後服之。乃見奇效。即不可再食一切物。慎勿以平常偶然小飢而試。或不效。生退悔心。阻大善緣也。凡天降饑饉。及種種災劫。皆由我等人民。不敬天地神祇。不孝。不弟。不仁。不義。不惜五穀。字紙。不信因果報應。殺生害命。奸盜邪淫。以及窮奢極慾。詐欺取財。無惡不作。致使皇天震怒。浩劫頻臨。必須改過自新。洗心滌慮。大家虔誠懺悔。敦倫飭紀。崇實黜華。自然感召天和。年豐人壽。享福無盡矣。

第一療飢應驗良方。黃豆七斗。芝蔴三斗。均先用水淘淨。去皮去殼。不可久浸。恐傷元氣。各入甑三蒸三曬。初二次只要蒸有香味。即傾出曬乾水氣。復蒸。第三次從戌時蒸起。至子時止。寅時出甑。午時置日中曬乾。共搗融作團。或截成薄片。再置日中久曬乾透。即用麻布或絹袋盛之。懸於透風處。餓極時乾食。或調開水服。以飽爲度。不得食一切物。第一頓得七日不飢。二頓得四十九日不飢。三頓得三百日不飢。四頓得三千四百日不飢。更不必服。永不飢也。不問老少。但依法服食。令人強壯。容貌紅白。並不憔悴。口渴即研大蔴子湯飲之。更能滋潤臟腑。若要吃別物。用葵子二三合。研水煎湯冷服。取下藥如金色。任食諸物。第二療飢應驗良方。芝蔴一斗。微炒磨。黃豆糯米各一斗二升。先用水淘淨蒸熟曬乾。或焙炒共磨成末。再用紅棗十斤。水煮極爛去核。一併入石臼內。合搗如泥。配和成餅。或截薄片。約重壹兩一塊。日曬極透。用麻布或絹袋盛之。懸透風處。經久不壞。飢極時滾水煎服一塊。可數日不飢。亦不得食一切物。若要吃別物。仍如前法用葵子。研水冷服之。

第三療飢應驗良方。糯米一斗。淘淨。百蒸百曬。磨爲末。飢時以滾水調服。服至一月之久。可以一年不飢。

第四療飢應驗良方。白麪六斤。茯苓去皮四兩。甘草去皮二兩。乾薑二兩。三味焙燥磨末。再用蜂蜜一斤。菜油二斤。生薑四兩。搗融用汁。共和成塊切片。納入甑內蒸熟。陰乾。復用石臼杵末。每服一酒盃。湯水皆可下。最能耐飢。此麪以袋盛之。可留經久。或



淡鹽湯調服亦可。

第五療飢應驗良方。水煎百沸。每日服棗數枚。芝蔴合許。可百日不死。

以上五方。專為饑饉而設。並非養道法也。宜行於窮鄉僻壤。大眾吃草根樹皮觀音坭之處。若施之縣城市鎮不甚合宜。因施食物者多。饑民貪嘴。恐不肯專食療饑方也。

救飢渴方

蕎麥麪七兩炒。紅棗七十二枚去核。飴糖一斤。熟地黃四兩。綠豆十二兩。酒浸炒共為極細末。以飴糖為丸。均三十二粒。每服一粒。可二十一日不飢。

食草木枝有味可飽方

黑豆一升。揀極淨淘洗。用貫仲一觔。細剉如豆大。和豆中。量水多少。慢火煮之。翻覆令展。盡餘汁為度。篩出黑豆。去貫仲。空服七粒。食諸草木枝。覺有味可飽。

原應祖師救飢丸方

白茯苓二兩。白芷二兩。白菊花二兩。松葉二兩。柏葉二兩。以上五味共為細末。煉蜜為丸。如黃豆大。每服飯後用白開水送下十九。可保百日不飢。再飯後十九。永不飢矣。常飲白開水。不可飲茶湯及米湯菜湯。如欲

服飯。則須先以茶湯或米湯菜湯解之。

普濟丹

黃豆七斗。芝蔴三斗。水淘過即蒸。不可浸久。恐去原氣。蒸過即曬乾。去殼。三蒸三曬。搗爛為丸。如胡桃大。每服一丸。可以三日不飢。如遇歲荒飢衆。此方所費不多。一料可濟萬人。宜修合以濟世。

辟穀仙方

天門冬二斤。熟地一斤。共為末蜜煉為丸。彈子大。每用溫酒化三丸。日服三次。服至十日身輕目明。廿日百病消除。一月顏色如花。百日延年。

諸葛乾糧

白茯苓二斤。白麪二斤。乾薑一兩。白米二升炒黃。淮山藥一斤。蘇油半斤。芡實三斤。各藥蒸熟焙乾為末。每服一匙。新汲水送下。日進一服。氣力強壯。不飢渴。

黃精單方

用黃精蒸熟。曬乾為末。另用生黃精切碎。熬膏搗成丸。如雞子大。每服一丸。日服三次。可以絕食不飢渴。渴

則飲水兼除百病。

救荒丹

下。一日不飢。

芝蔴一斤。微炒蒸熟。紅棗一斤。蒸熟去核。糯米一斤。蒸熟曬乾。共爲細末。煉蜜爲丸。如彈子大。每服一九。滾水送下。

許眞君濟生大丹

芝蔴一斗。微炒磨。黃豆糯米各一斗。洗淨煮熟曬乾。炙者五斤蒸曬乾。白朮三斤蒸曬乾。熟地十斤共研細末。後入紅棗八斤去皮核。將棗煮熟和藥蜜爲丸。重五錢。百滾水調服。每日二九。康熙壬子杭州大飢救活甚衆。

張良大仙辟穀靈符

食此符不用食飯。千眞萬眞。經驗多人。此符每晨早面向東南用白紙新筆墨。寫符七度。朝食三度。晚食四度。焚在杯中。斟茶落去。連灰吞下。每日七度。連食七日。共四十九度。自後不用食符。七日內肚飢。略食些少番薯芋頭瓜菜生菓。或飲芝蔴湯。百滾水。以潤腸胃。不可食麪及米。倘食錯米麪。又要另新起首。再食四十九度符矣。切忌房事。寫符時。要念咒二句。寫一度時念一次。咒曰。三陰三陽加一點。點墨成丹辟穀符。早晚化符。又念咒四句。化一度符唸一次。咒曰。奉天濟世壽榕符。點墨成丹辟穀符。開合陰陽能運氣。蒸民乃粒永無虞。男人寫與女人食亦可。化符之時。須代他念咒。食此符。勝於食雜糧蔬菜。且勝過食粥。亦無後患。如要食飯之時。不用化解。但先食粥。後食飯。由少食多。不宜太速爲要。其所食上列六種丸散亦然。因日久不食飯。腸胃虛弱也。

符

式



服蒼朮方

蒼朮一觔。白芝蔴香油各半觔。將蒼朮用米泔浸一宿。取出切片子。以香油炒令熟。用瓶盛儲。每日空心服一撮。用冷水湯嚥下。飢卽服之。壯氣駐顏色。辟邪。又能步履。

斬草丹

芝蔴黑豆各半升。齊炒黃色去了皮。貫仲茯苓各四兩。乾薑甘草亦如之。棗肉爲丸。饑來大。走遍山川不忍饑。試問山中青草草。管教入口化爲泥。

時症統治

神效萬應救急復甦散

此散係清季湖南武岡縣

仙壇賜示。

當時用以救急。真有起死回生之力。及庚子亂後。

時疫瘟災傳染諸省。一經發覺。立見危亡。此方固已屢試屢效。自近年以來。凡一鄉一邑。按證應用。無不立見春回。今重錄之。

勉力配製。稍稍施送。凡有仁人君子。照方配藥。以備救急施送。功德誠不可思議矣。爰將治病配藥諸法及原方開列於左。

一治四時感冒。傷寒傷暑。發熱頭疼。傷風咳嗽。嘔吐氣痛。四肢厥冷。昏迷不省。以生薑汁開水連渣吞服。一治感受四時不正

之氣。天行瘟疫。山嵐瘴氣。解蟲祛邪。霍亂氣痛。以開水冲服。一治內傷飲食。腹痛肚脹。氣墜胞滿。燒糊米水加蘇梗七節。煨薑

數片。煎水冲服。一治陰陽瘧疾。於未發之先。以煨薑大塊。生薑大片。紅棗十箇。煎水冲服。一治紅白痢疾。紅痢白糖。白痢紅

糖。開水冲服。一治肚腹水泄。清米泔水冲服。一治諸種痧證。陰陽水冲服。每服五分。小兒減半。孕婦忌服。先以少許入鼻取嚏。

輕者一服。重者三服即愈。羌活一兩。桔梗八錢。陳皮六錢。皂角四錢去皮。防風一兩。砂仁八錢。薑汁鹽水炒。薄荷四錢。草菓

四錢。葛粉一兩。厚朴八錢。薑炒。粉草四錢。檳榔四錢。藿香八錢。木香六錢。枯礬五錢。明雄三錢。白芷一兩。法夏六錢。薑炒。細辛

四錢。硃砂三錢。鹽水飛淨。荳蔻三錢。薑汁鹽水炒。以上共爲細末。

秘傳濟世仙丹

明雄五錢。水飛淨。火硝四錢。淨。白芷一錢。枯礬一兩。牙皂五錢。北辛四錢。菖蒲五錢。地胡椒三錢。丁

香三錢。草撥三錢。蒼朮五錢。冰片七分。麝香三分。共研細末。過篩。用瓷瓶裝好。切勿洩氣。能聚真陽不散。禦真陰不亡。有起

死回生之功。遇痧證暴死。陰陽脫縮。陰寒證。胸腹積滯。羊毛寒疹。惡心翻胃。霍亂吐瀉。氣痛。血痛。鼻塞頭痛。中風中痰。風疳痢

疾。山嵐瘴氣。天行瘟疫。牙關緊閉。人事不知。以及四時不正之氣。一切急病。不分男女老幼。用此丹。法以男左女右。點入大眼

角內。藥到眼角。性至命門。病重者可多點一二次。用薑湯送下一二分更佳。或吹入鼻孔內。或以一二分。裝入肚臍眼內。外用

膏藥一張貼住。其功不可盡述。奇效如神也。孕婦忌服。

膏藥一張貼住。其功不可盡述。奇效如神也。孕婦忌服。

雷擊散

藿香二錢。白芷二錢。半夏二錢。木瓜二錢。細辛三錢。防風二錢。蘇薄荷二錢。貫仲二錢。枯礬一錢半。甘草二錢。硃砂二錢半。廣皮二錢。牙皂三錢。雄黃二錢。桔梗二錢。共爲細末。一治肚瀉。薑汁米湯服一錢半。一治紅白痢疾。薑汁蜜服一錢半。一治肚痛。受暑受熱疼痛。薑汁服一錢半。若一服不效。再服一服即效。

玉封陀山醫者善勸清德須陀彌林西釋訖示救急時症良方

春風秋冬。寒暑時令。凡有頭

痛。肚痛。吐瀉。手足麻木。四肢骨痛。人神困倦。或逢四季瘟疫。初感發熱。在身上各處發起痰核。以及瘡疾。均當合用。茲將天氣藿香丸各藥開列於後。甘草八錢。藿香三兩。黃柏一兩。獨活二兩。蒼朮一兩。用米水泡。猪苓八錢。神麴三錢。麥芽一兩。半夏五錢。白芍三錢。川芎一兩。山查肉二兩。細辛二錢。北五味一錢半。香薷五錢。紫蘇葉二兩。秦艽八錢。薄荷二兩。苦瓜乾二兩。此味極要緊。如無瓜。用苦瓜藤葉煨灰代用亦可。共爲極細末。用蜜和丸。每重三錢。輕者一服。重者加倍。無不神效。用清水煎。或滾開水服後。蓋被一表更妙。

腦膜炎之療治法

查腦膜炎一症。即中醫所謂癰病之一種也。初起頭痛。胸中煩悶。頸項強急。繼則角弓反張。神志昏迷。是誠險症。但非不治之症也。法用皂礬。煨煉存性。此礬煨之則赤。研爲細末。過篩。病人左邊頭痛。以礬末些許。吹入

流行腦膜炎特效方

按皂礬性質。酸涼無毒。功同白礬。爲化痰解毒之品。治血分之瘀積。其效最捷。希望樂善廣傳。並製此礬末濟人。功德無量。此證初起。覺胸悶頭脹。眼眶痛。或後頸發酸。脣吻瞤動。手腳冷而微抽搐者。服此一劑立效。

其病重者。神昏譫語。掣縱目上視者。加羚羊角三分。犀角三分。六點鐘內可服二劑。能起死回生。已治愈多人。甚爲妥當。分量切勿更動。膽草五分。鮮生地四錢。歸身四錢。川連四分。滁菊三錢。以上煎好。吞回天丸半粒（研碎服）

啓者。同人等於辛未十一月初七日。歡迎射洪縣洋溪鎮慈善醫社社長蒲松榮先生。將所得製藥秘法。於合川西城外惜字院宣示製造要訣。手口親傳。來學者六十餘人。真誠指導。不取貲財。所有製成藥品。歷年施送。不下數百單。回生起死。不下萬餘人。

惟來學之士。爲數無多。普濟太少。特將秘法三種。按照指導要訣。詳明印送。深望熱心同志。將此秘法互相指導。源源如流。不謀絲毫利益。純以救人爲心。能自製造者。獨力捐貲。以活生命。力量薄弱者。募貲製造。以拯病危。由一人及於十人。百人。由一縣及於他省。他縣。更能普及中外。秘法流傳久遠。庶幾僻地窮鄉。人人可以製造。永無危險病災。販夫力卒。在在便於取携。不致倉卒廢命。活人愈眾。陰鷲愈多。此卽蒲先生傳法希望之苦心。亦屬同人推廣盼祝之切意也。秘法如左。

製造救急靈芝藥水秘法

每單中西藥料。合計洋六七元。製成藥水。約五十餘兩。淡輕炭酸壹兩。純依打壹

兩。哥羅仿貳兩。樟腦片貳兩。薄荷冰壹兩。酒精捌兩。乾鴉片烟切碎貳錢。上藥係造壹單之分量。如合造二三四五單。照原分兩加入。不可增減。以上七味。先用大玻璃瓶裝貯酒精。第一次下切碎乾鴉片烟貳錢入內。泡約兩小時。再下樟腦片貳兩入內。泡定搖和一二。又兩小時。再下純依打。哥羅仿。薄荷冰。淡輕炭酸四味。以上各藥品內有西藥。和對藥水時。切忌日光。至割對好後。將大瓶口用鬆緊木塞緊。置放背靜處。每日用手將大瓶握定。搖蕩四五次。務令各藥調和融化。準定七八日後。再和中藥。(大注意)純依打。淡輕炭酸二味。西藥中最猛烈者。稍一不慎。爲害最大。如下藥之時。切忌手黏眼目。須以鏡光帶上。不致毒氣觸目。設或手有黏滯。務要再三洗淨。恐些微入目。眼珠必致爆裂也。慎之。慎之。和對藥後。卽無妨手黏。(中藥六味)公丁香二兩。大黃四兩。細辛五錢。萊菔子四兩。陳皮二兩。枳殼二兩。右藥六味。每單用乾燒酒三斤。泡貯於大罈內。如合造二三四單。照原斤數加入。不可增減。至七日後。用稀白布濾去藥渣。絞乾藥水。和前酒精所泡之西藥。仍將藥渣濾去。再用缸盆一個。先裝中藥水。次下西藥水對和。用小木棒攪轉二三次。卽能混和藥性。然後以大玻璃酒瓶數個。分裝入內。作卽不再搖。上用鬆緊木塞定。以黃蠟鎔化凝口。或以油紙緊束二三層。俾藥氣不洩。以後救濟貧民。或分用小瓶施送。或零裝濟人。各聽其便。救治各症。霍亂吐瀉。絞腸。吊腳。神昏。厥逆。手足麻木。肚腹絞痛。四肢厥冷。頭昏目眩。竅閉氣悶。脾胃氣滯。肚腹疼痛。山嵐瘴氣。感受穢惡。各種時疫。一切急痧。風寒濕痺。骨節痠痛。以上各症。用滾開水或淡茶兌服一錢。重者多服一次。外用棉花浸透藥水搽患處。中寒。中暑。瘡痢。泄瀉。感冒風寒。惡寒頭痛。心胃氣痛。翻胃嘔惡。胸腹悶脹。消化室滯。肝

氣不和。胸脘氣滯。傷風咳嗽。鼻塞不通。以上各症。用溫開水或淡茶兌服五分。中病即止。

製造救急萬靈神丹祕法

每單藥料。用錢不過十餘千文。製成之料品。重約十二兩。此藥能治各種痧症。暴病猝發。腹痛臨危。大人只用三分。小兒減半。孕婦忌服。無不起死回生。立見功效。業已救好不下千人。同志諸君。有發願製送者。每三分藥料封一小包。載明救急萬靈丹。大人三分。小兒減半。孕婦忌服等字。印於小封面上。每包只值小錢二十文。費錢不多。功效最速。無論何人。隨時隨身常帶十餘包。遇有急危。立活生命。真救急扶危之神效良藥。舉手活人之捷。要功德也。祕法如下。每單藥料用川烏十兩。草烏十兩。先以滾開水泡漲。切成片子曬乾。如無日光。以火烘乾亦可。另用清水八十兩。大鍋裝定。以芫花四兩下水。用火熬去水量二三成。留汁去渣。然後將二十兩之川烏草烏一齊下入芫花水內。和水煮乾。再用酒醋十兩加入合炒。等炒乾後。再加檀香灰一盤。和入藥內炒脆。炒脆後。簸去檀香灰。下入鐵藥碾。碾成細末。檀香灰最要真切。別種香灰。決不可用。又用紅砒石四錢。將砂罐裝定。以爐火煨化成白粉。融和前項末藥內。務須調勻。即成救急萬靈神丹。

黑龍江省城同生祥施醫處

霍亂

廣州市中醫公會壬申夏擬治霍亂三方

第一方治溼症霍亂

凡手足抽筋。四肢厥冷。上吐下瀉。肚痛鼻青。舌黃或絳。無苔。神色暗紫。脈浮滑或伏。此時痧霍亂也。因肝風內動。濕鬱中州。外邪內襲所致。藿香梗一錢。樟木子三錢。薑汁炒。北芥穗一錢。薑汁炒。川木瓜三錢。雙鉤藤六錢。酒白芍一兩。貢白朮三錢。乾竹茹二錢。車前子四錢。陳吳茱萸三錢。薑汁炒。大甘草四錢。十一味水煎服。歌曰。吐瀉抽筋肢厥連。濕鬱中州豈易痊。藿樟荆竹瓜鉤草。芍朮萸前效若仙。

第二方治寒症霍亂

凡寒中三陰。腹痛抽筋。手足面寒冷。上吐下瀉。所瀉色略白如清穀。腹痛僅一時許。則手足面肌肉均瘦削。兩眼深閉。氣喘眼圈起黑。舌無苔或黑色。此為直中三陰之寒症也。防黨一兩。白朮一兩。川乾薑一兩。炙草一兩。吳茱萸一兩。川滑石一兩。六味水煎服。即理中加吳萸滑石。歌曰。三陰寒中用理中。黨朮薑甘古法工。寒多不渴加萸滑。遵古何嘗泥古終。

第三方治熱症霍亂

凡霍亂肢冷腹痛。目陷脈伏。舌紫苔膩。汗渴煩燥。精神昏瞢。此濕熱內鬱。上結中焦。所以清不升。濁不降。致成此症。晚蠶沙四錢。小雲連二錢。薑汁炒。滑石粒四錢。焦梔子二錢。炒香鼓三錢。炒橘紅一錢。白通草一錢。生薏仁四錢。雙鉤藤三錢。酒黃芩二錢。製半夏一錢。吳茱萸三分。十二味同陰陽水煎服。即王孟英之蠶矢湯。歌曰。熱多渴飲用五苓。孟英蠶矢不拘形。蠶連滑鼓通梔橘。芩半吳鉤薏最靈。

霍亂時疫外治救急簡要良方

拔毛

霍亂痧脹疫癘。惡證初起。宜解散其髮細看。如有赤色者。急拔去之。再脫其衣。看胸背如有長毛數莖。必盡拔之。取嚏

霍亂諸痧。皆由正氣為邪氣所阻。故濁氣不能呼出。清氣不能吸入。而氣亂於中。遂成閉塞之證。故必先取嚏以通

氣道。則邪氣可泄。濁氣可出。病證自鬆矣。（可用平安散開關散或濟世仙丹）

辨證

生黃豆細嚼不腥者。痧也。既可試病。亦解痧毒。精神清而嚼薑不辣者。真寒證也。嘔吐必清。瀉必清。而非臭穢。小便清利。口不作渴。乃為寒證。凡陽氣極虛之人。於大小便後。忽然欲脫。急宜參附回陽。若誤投痧藥。多致不救。應服固精之品。方為對證。

刮法

取嚏不論有無。隨繼以刮。有嚏者。肺氣雖開。但恐洩氣尚不能舒暢。當刮以宣之。無嚏者。肺既不開。尤必刮鬆洩氣。使內部邪氣得以外泄。而病可輕鬆。凡毒深病急者。則非刮不可。蓋以五臟之系。咸附於背。或以食鹽擦背亦可見效。

以銅錢一枚。用錢邊蘸香油或清水。凡項背胸肋兩臂灣兩膝灣均徧刮之。刮出青紫泡。病人立見輕鬆。

刺法

（以證之屬熱者用之）霍亂痧脹。邪已入內。必刺出毒血。俾邪得外泄。再服救急丹藥。如神功救急丹。靈寶救急丹。痧瘴救急丹之類。無不起死回生。刺時宜扶病人坐直。男左女右。用力將其手臂從上捋下。將其惡血聚於指頭。以油頭繩扎住寸口。即脈門也。用鍼向大指內側指甲根刺之。擠盡毒血。即鬆。重者兩手並刺。兩臂灣名曲池穴。兩膝灣名委中穴。以手蘸溫水撲之。露出青筋。或紫筋。皆痧筋也。宜並刺之。

搗法

以上好燒酒或白蘭地酒。摩擦四肢。如腳不冷者。以極鹹鹽湯燉熱。洗淋摩擦尤佳。

熨法

（霍亂轉筋之屬寒者用之）食鹽一斤。炒熱布包。熨心腹令其透氣。又以一包熨背脊。冷即再換。熨至手足溫轉為止。病重者當用灸法。

灸法

此法秘傳。急救霍亂吐瀉。有起死回生之功。並治中風中痰痰厥及小兒慢風等證。（灸法一）如瀉證灸臍旁四穴。及神闕穴。共五穴。均一齊灸起。不得遲早。如有嘔吐者。加灸天突穴之骨登。即（半月骨處）亦一齊灸起。而火數俱照所註之數灸齊。毋得增減。惟獨神闕穴一穴。如瀉證直灸至止瀉為度。如已死者直灸至還陽為度。務要耐心而灸。自能還陽。若心急不灸。則誤生命矣。附各穴圖如左。



肩

如有嘔吐灸此
穴不吐者免灸

天

喉節

穴

突骨登灸二十火

灸天突穴之骨
登即半月骨處

肩

再灸時每穴上先貼生薑一片。用銀鍼將薑片刺眼七箇。然後用艾團灸之。

火二十
灸水
分一
寸上
臍

穴

天

灸十五火

穴

臍旁四穴分
俱從臍邊量起
以病入之中指
中節長短為寸

臍下寸三分
田灸三十火

穴

天


臍右寸五分
灸十五火

穴

神闕一穴耐
灸之自能起死
回生若心急不
灸則誤生命矣



式片薑



其薑片如銅錢之厚、
大約灸十火換一片、
艾團式



十灸引可其
 火滿燃一艾
 薑十病團須
 片團者如礎
 已一覺悟頓
 極是痛桐如
 枯爲卽子絨
 乾十行大去
 亦火取上淨
 可一下尖灰
 早卽另下末
 換換換圓一
 薑一置購
 片團薑藥
 再照片店
 灸前上中
 如法從艾
 不灸尖絨
 到上七亦

再此證如人已死。亦可灸活。只要四肢不硬。身體尙軟。用燈芯一根。放在鼻孔邊試之。如略有微動。尙可施治。如已無氣息。可將活人之驗。貼在死人之心窩上。以偵察之。如死者心內。略有脈跳動。或脈不動。而心窩上尙有熱氣。亦可救轉還陽。此時並非真死。幸勿誤會不灸。切切。

(灸法二) 治中風中痰痰厥及小兒慢風等證時。艾火薑片如上。但灸神闕穴一穴而已。直灸至病愈爲度。如人已暈倒。直灸至醒轉爲度。均有起死回生之功。惟灸小兒艾絨火宜略小。(注意) 以上諸法。已經屢試屢驗。活命無算。不可輕視。尙望好善諸君。得此方者。黏貼牆壁。或轉送友人。或翻印分送。救人救己。功德無量。(附註) 靈寶救急丹(杭州下板兒巷新七號平陽醫舍出售) 神功救急丹(杭州萬利製藥社出售) 痧瘴救急丹(天津東門內乾元堂出售) 此單北京山老胡同一號天華印書館代印 每千張價銀三元寄費不另加收

治霍亂簡便方

白醋方 廣州有人初患霍亂。卽服白醋一盃者。立卽痊愈。又有先服諸藥不效。服醋亦愈。嗣經西醫化驗。白醋能於二三分鐘內。殺霍亂桿菌。死化爲水。

白礬方

白礬方 張國元患霍亂。醫驗其舌下有瘀血黑點。速用銀針挑破。並刮淨瘀血。後用白礬沖滾水二杯。服下即愈。長沙歌括注云。吐瀉服諸藥不效者。服白礬即愈。

火秧籊方

火秧筋方 形似仙人掌。但莖圓。五面俱有刺。又此汁。功效與玉麒麟相似。其葉外敷。可治跌打。葉寬約一寸。長約二三寸。冬季無葉。花柳重症。發熱者。服生樹汁半酒杯。一瀉而愈。虛弱者。用汁蒸雞蛋黃。一食立愈。節錄中央帽廠刊行單云。此症爲陰霍亂。西醫名急性霍亂。其症係痾嘔。肚痛抽筋。辨症係驗其所痾之水。狀如米湯。全無黃色。速往生草藥店。買火秧筋。

一截刮去青皮。令病者嚼之。覺其味甜能下咽。即是此症。非染此症者。火秧籊不能入口也。此症三四點鐘。即能斃命。延醫煎藥。亦來不及。如火秧籊一時難覓。可買白醋一盃。令病者先飲。一瀉而愈。倘仍未愈者。俟覓得火秧籊後。令病者飽食即愈。如病者牙關已緊。將火秧籊用瓦盆搗汁。灌之亦可。疊經西醫化驗。白醋與火秧籊。均能殺霍亂桿菌。死化為水。

烏椿樹根白皮方

（查烏椿嫩葉能疏風利熱。番禺縣車陂鄉人。用烏椿樹根白皮煎水服之甚效。如根白皮一時難覓。用烏椿嫩芽煎水服亦效。）

（說明）霍亂一症。年年發生。最為危險。因人因症。治法時刻不同。在精於醫者隨時處方。自然藥到春回。似不必預立方藥。以貽膠柱鼓瑟之譏。然症起倉卒。醫生難覓。名醫更難求。不得已。抄錄中醫公會擬治霍亂。溼寒熱三方。係為普通人不知醫。藉以辨症用藥。以免一遇是症。茫無頭緒。手忙腳亂。寒熱雜投。藥不對症。悔之莫及。悲夫。又恐山村市遠。醫難求。藥難買。煎藥太遲。有此種種障礙。其債事與誤治等。故更採輯白醋白礬火秧籊烏椿根白皮及各種簡便單方。用法均係經驗多人。各著奇效者。雖地處山村。時當黑夜。亦不難就室內外所有。隨所取以救人性命。豈不十分利便。至於鄉間慣刮痧者可一面刮痧。有濟眾六神等水者可一面服一二樽。有樟樹子者可一面煎七錢服。有紗屎紗頭棉紗棉花新白棉布者。可一面燒灰沖滾水服。仍趕緊一面延醫調治。以善其後。方為萬全。但當視為救焚救溺。愈速愈妙。慎之慎之。謹記謹記。仁人君子。當此未雨綢繆。早行方便。見者印送。功德無量。壬申秋 悟塵氏輯並識

治霍亂簡便方

石灰水食下。若甜多食便愈。

痧症

武侯行軍散

治一切痧疫症。牛黃三分麝香三分梅片三分明雄黃一錢。火硝一錢。硼砂一錢。飛金三十張。研末吹

入鼻孔中如神。
發痧方 用陰陽水即愈。

羊毛疔

治羊毛疔救急方

此疾係寒火毒火所攻。痛徹心髓。每有用針在背脊挑出紅筋。即愈。設不得其法。或挑斷不出。大有生命危險之虞。此方最為穩妥。法用蕎麥少許。以陳醋黃酒調和。搓成條團。揉搓患處。霎時麪團內。即發紅毛綠毛牽連不斷。此即羊毛疔已經揉出之徵驗。歷經友人以此法救活多人。如能廣為傳抄。功德無量。造福無量。

陰陽寒症

治陰證方

陰症初起。用桂枝歸尾細辛甘草等分春為末。紅糖敷立效。

治陽證方

金黃散 黃柏大黃薑黃白芷陳皮蒼朮南星花粉厚樸各三錢。細末調淘米水敷。以發燒為度。

專治男婦老幼陰陽寒證

百發百中奇效如神。百草霜（即燒草作飯之鍋肚烟灰）烏龍尾即（樑上塵）煙筒

灰各半鍾。枯礬四錢。紅花一錢。連鬚葱頭七個。胡椒一歲一粒。共合一處。搗爛為丸（如乾澀不成丸時可加雞蛋清少許）

男用左手握藥丸按於馬口即（尿道口）女以右手握藥丸按於陰戶。但勿令入內。出汗即愈。病重者。連按二三次。無不神效。

經驗發冷神方

川芎一錢。製半夏一錢。正硃砂一錢。三味共為細末。每服三錢。凡遇此症須發至三四次。然後用烏

棗三枚去核。將此藥散置在烏棗內。早半個時辰用茶送下。症輕者一服即愈。重者每次兩服。長寒者每次三服。必然痊愈。此

方經驗多人。百發百中。

治手足及四肢厥冷昏迷不醒

用食鹽為末。炒熱。搓擦病人兩手足心。前後心。及兩脇處。少時即蘇醒呻吟。

緩過氣來。搓擦處發現紫色血泡。急用銀針挑破。以出毒氣。即愈。

溫病附瘟疫

春溫證治

春溫與傷寒情形大異。初起週身壯熱。不惡寒。口大渴。是為溫病。又或微覺惡寒。然一二日後。斷無有不發熱發渴者。其脈則右大於左。初起兩寸脈皆大。而右寸尤盛。故治法以麻杏石甘湯為宜。若一二日後。則不可用。而以銀翹散為最妙方法也。且無流弊。幸勿以平淡視之。連翹一兩。金銀花一兩。苦桔梗六錢。薄荷六錢。竹葉四錢。芥穗四錢。生甘草五錢。淡豆豉五錢。牛蒡子六錢。右杵為散。每服六錢。鮮葦根為引。煎至香氣大出。即取服。勿過濃煎。肺藥取清輕。遠煎則味厚而入中焦矣。病重者藥二時一服。日三服。夜一服。輕者三時一服。日二服。夜一服。病不解者作再服。若誤用辛溫發散。則不可治矣。慎之慎之。

春溫

春溫多病於風。或濕重者。或發斑。或出疹。或患喉症。險象環生。治宜辛涼之劑。清解風濕之鬱熱。最忌溫藥表散。助熱傷陰。常見醫家暨病家。祇知有傷寒。不知有傷溫症者居多。治溫而投以溫劑。至死不悟者。所在多有。茲為預防計。特將此症初起及沉重內治與外治。經驗各良方。簡單開列。聊為愚者一得之助。其詳則高明自能酌之。

溫症初起治方

五汁飲（冷飲或隔水蒸微溫飲之亦可。溫症未現。預防更妙）梨汁。甘蔗汁。藕汁。蘿蔔汁。荸薺汁。

和兌常服。

桑菊葱豉飲

冬桑葉四錢或三錢。杭菊花三錢或二錢。淡豆豉二錢或一錢五分。葱白三個。同煎服。

溫症喉症統治方

（只宜辛涼之劑清解。最忌溫散之品。助熱傷陰）除溫化毒湯（日服二劑）葛粉根二錢。金

銀花二錢。蜜炙枇杷葉一錢五分。薄荷五分。生地二錢。貝母二錢（去心）冬桑葉二錢。小木通八分。竹葉一錢。生甘草八分。（如大便閉塞。加瓜蒌二錢。郁李仁二錢。胸下脹悶。加炒麥芽二錢。炒枳殼五分。小便短赤。加車前子三錢。燈芯一錢）

預防瘟疫三豆飲

古云。兵災之後。必有瘟疫。且去多少雪。更加今春天時不正。忽寒忽燥。業已發現痘疹。咽喉瘟疫

等症。各家傳染。其勢甚猛。若不預先設法防禦。難免蔓延。中國習慣。缺少預防先治之法。茲經名醫易贊庭先生研究數載。惟有三豆飲係預防瘟疫保身之妙品。有功無害。其效偉大。敵人即照易先生之妙法。配送諸親友。如有贊同者。可請照方配送。功德無量。服法。每包用水一飯盞。熬成一茶盞。飲之。小孩可加糖少許。三豆飲。南赤小豆六錢。毛綠豆七錢。烏豆三錢。引用鮮蘆根三錢。

又敷時症痰核良方

邇來天氣運轉。瘟疫異症。流連難消。皆因下土八心不齊。反覆古風。滅亡忠孝。故招奇患。有

感時症發出痰核。或大熱微焦。心神不安等情。茲將敷時症痰核各藥開列。蒼朮三錢。藿香三錢。黃柏五錢。半夏五錢。共為細末。用時人養金魚茜草二兩。和末搗爛。敷患處。而痰核未發出。現有此症者。須當小心。預早防虞。用藥敷在胸前。連換數次。即愈。惟願世人改過遷善。自求多福。光緒十八年正月廿五夕降於廣東雷州遂溪縣赤坎埠。武廟

蠲穢散

此散療治山嵐瘴氣。瘟疫時邪。煤薰斃命。炭氣傷人等證。并可助之用功。助之讀書。胸次寬舒。頭部清輕。精神奮

爽。外逐風溼穢惡之氣。內除臟腑氣血之濁。用資有限。獲益良多。其用法。每天早晚不拘於時。將此散撒於香爐內。一撮燃着。令烟透入鼻孔。自有效驗。倘遇煤薰之人。外用紅靈丹聞之。內用白開水冲服此散二三錢。亦可回生。敬祈大善士廣為流傳。功德無量。蒼朮八錢。白芷三錢。細辛三錢。藿香五錢。降香五錢。菖蒲三錢。桔梗三錢。青木香五錢。川芎三錢。真檀香四兩。薄荷葉三錢。佛手片五錢。共軋成粗末。過羅。每取二三錢。燃之。如遇被煤氣薰者。將檀香減去三兩半。只用五錢。合羣藥共為細末。白開水冲服二三錢。外用紅靈丹聞之。取嚏可也。

防毒藥

能避瓦斯毒氣及瘟疫。明雄黃。鬼箭羽。丹參。赤小豆。各二兩。共為極細末。煉蜜為丸。硃砂為衣。如桐子大。每服

三五粒。空心白水送下。便不傳染。并能解瓦斯毒瘴之氣。再用。茅朮二兩。四錢。白芷一兩。五錢。羌活一兩。五錢。細辛四錢。吳茱萸一兩。五錢。柴胡八錢。共為極細末。用香爐隨意焚燒少許。毒惡之氣自然消散。另用黃布小包盛藥末五錢。佩帶身上。

如行軍戰地。可做口鼻罩。用以防瓦斯毒瘴之氣。

辟穢丹

麝香少許。細辛五錢。甘松一兩。川芎二兩。共為細末。蜜丸如彈子大。久陰為妙。每用一丸燒之。

辟瘟丹

乳香。蒼朮。細辛。甘松。川芎。降香。各等分為末。棗肉為丸。如芡實大。遇瘟疫大作之時。家中各處焚之。即不染患。此丹燒之。能不染瘟疫。久空房燒之。可辟穢氣。

辟疫湯

蒼朮三錢。三分三釐。川芎八錢五分。乾葛二錢三分六釐。甘草一錢六分六釐。共煎服之。又用薑三片。連薑煮頭三個。水二盞。煎八分。空心服。已病即愈。未病不染也。

又方

六月六日。採馬齒莧洗過曬乾。元旦煮熟。同鹽醋食之。可解疫氣。

又方

貫仲二枚。浸水缸內。加白礬少許。逐日飲之。能不染瘟疫。

預辟瘴癘

桃仁一觔。吳茱萸青鹽各四兩。同炒熟。以瓶密封。一七取出。揀去茱萸鹽去桃仁皮尖。每嚼一二十枚。山居尤宜。

宜。

辟時疫

時疫大行。於自家水缸內。每早投黑豆一撮。全家無恙。或五更潛投黑豆一大握於井中。勿使人見。凡飲水家。俱免傳染。又方。鄰家有疫病時。飲雄黃酒一盃。再用絲棉裹雄黃。塞鼻中。男左女右。可辟瘟疫。

鼠疫 附白喉 痘疹

治白斯篤 卽鼠疫

係熱證。始於哈爾濱。漸至遼瀋。患者頭痛如破。昏憤如迷。甚至咽喉乾燥。眼白全赤。吐血數口。不愈。廿四小時即斃。茲擬預防之法。及臨時救治之法。分別列下。
(預防方法)生蘿蔔。不拘多少。切碎。以食鹽拌浸約二時許。再同真生麻油拌勻。每日早晚餐食。以解熱毒煤氣。化痰升氣。使熱不內伏。此法雖極貧者亦易辦。又方。金銀花三錢。野菊花四錢。甘草二錢。薄荷一錢。生熟蘿蔔子各一錢五分。生白芍二錢。上藥七味。如在疫氣傳染地方。或自覺略有不適。即用



清水煎服。(臨時救治方法)生石膏一兩至八兩。元參四錢至八錢。野菊花四錢至一兩。連翹四錢。甘草二錢。薄荷丹皮各四錢。射干川貝母各二錢。上藥十味如已染疫。即用清水煎服。不拘劑數以愈爲止。再南方水土淺薄。石膏元參野菊花等。宜少用。仍視病人體氣強弱。務宜詳細慎審。以上三方。經東三省醫院研究施治。屢試屢驗。其效如神。抄寄前來。轉刊廣佈。願有心者。轉相傳抄。挽此浩劫。功莫大焉。

白喉

此症每當天氣不正。溫病流行之際。或由傳染。或因內熱所致。亦屬時症之一種。因便檢查。列入喉科。而於此處略述其源。以明治法。

痘疹

痘爲先天遺毒。雖毒有輕重。必因感時氣而遂發。疹由素有內熱。一遇天時不正。出於氣分者爲疹。出於血分者爲斑。病源不同。治法當審。患此症者。多爲小兒。爰列小兒科。

咳嗽

專治男婦老幼咳嗽仙方

此方治風喘最妙。其他咳嗽亦可。雞腦子七個。豆腐七兩。上白糖七兩。共合一處。以砂鍋煎服。每早午飯前。晚飯後每服一匙。患者男用公雞腦。女用母雞腦。如治愈後。應買放生靈。或多焚化往生錢紙超度尤妙。

寒咳方

核桃連皮搗爛。加冰糖少許。開水沖入服數次極效。

熱咳方

真柿餅煎水服。或用扁柏葉煮豆腐食。極效。治多年咳嗽。肺癆。咯血紅痰。

獨聖散

白芨三兩爲末。每服二錢。臨臥糯米湯下。此方專治多年咳嗽。肺癆。咯血紅痰之用。其效如神。

咳見血方

生藕磨後。取汁和蜜糖服之。可日漸見愈。扁柏葉。或紅絲線。(青草名)煮瘦猪肉送飯。亦可日漸見愈。

嘔吐

經驗藥方

鼠疫

咳嗽

嘔吐

瀉痢

九

一上海 愷 自邇路

